

## Satelitski snimak pokazuje da iranski tanker plovi za Siriju



Iranski tanker "Adrian Darya 1" nalazi se u blizini sirijske luke Tartus, uprkos naporima Sjedinjenih Američkih Država da ga zaplijene, pokazuju satelitske slike kompanije "Maxar Technologie".

Agencija navodi da je tanker, ranije poznat kao "Grace 1", u ponedjeljak isključio svoj sistem za automatsku identifikaciju.

Kako podsjeća AP, iranski zvaničnici negiraju da tanker plovi za Siriju.

Nove fotografije podudaraju se sa crno-bijelom slikom koju je ranije na Twitteru postavio američki savjetnik za sigurnost John Bolton, uz komentar da griješi svako ko kaže da "Adrian Darya" ne ide za Siriju.

Tanker se našao u središtu sukoba između Irana i Zapada, nakon što je u julu zaplijenjen u Gibraltaru pod sumnjom da prevozi naftu za Siriju, kršeći međunarodne sankcije.

Kasnije je pušten nakon obećanja iranskih zvaničnika da tanker neće ići u Siriju, ali SAD i dalje pokušavaju da ga zaplijene.

Date: 07-09-2019